



**Sakshandsamar:**

Idar Sagen  
E-post: idar.sagen@sfj.no  
Tlf.: 41530964

**Vår ref.**

Sak nr.: 14/5094-21  
Gje alltid opp vår ref. ved kontakt

**Internt l.nr.**

7808/15

**Dykkar ref.**

201005583-14 ksk/esha

**Dato**

LEIKANGER, 27.02.2015

NVE  
Postboks 5091, Maj.

0301 Oslo

[nve@nve.no](mailto:nve@nve.no)

## **Høyringsuttale til søknader om løyve til å bygge 12 småkraftverk i Askvoll, Førde og Naustdal kommunar, Sunnfjordpakken**

Fylkesutvalet i Sogn og Fjordane handterte denne saka 25.02.2015 som sak 14/15 og det vart gjort slikt vedtak:

1. A. Fylkeskommunen meiner landskapsrommet i området Førdefjorden og Dalsfjorden er stort, og at brorparten av dei 12 nye prosjekta ikkje vil påverke hovudinstrykket av fjord- og fjell-landskapet. For dei fleste prosjekta er ulempene for kulturminne og brukarinteresser som friluftsliv og reiseliv vurdert til å vere små eller moderate.
2. Torvik kraftverk, Førde. Fordelane ved prosjektet er vurdert til å vere større enn ulempene for allmenne og private interesser og fylkeskommunen rår til at det vert gitt løyve. Tiltaket i øvre deler vil bety små ulemper for landskap, brukarinteresser og kulturminne, men den nedste fossen ved fjorden bør skjermast for utbygging. Det er foreslått viktige avbøtande tiltak, men om det skal gjevast løyve, bør slepp av minstevassføring frå inntaket aukast. Torvik og Ervikselva er konkurrerande prosjekt. Ved val mellom desse må landskapsverdien til den nedste fossen ved fjorden bli tillagt stor vekt.
3. Ervikselva kraftverk, Førde. Fordelane ved prosjektet er vurdert til å vere større enn ulempene for allmenne og private interesser og fylkeskommunen rår til at det vert gitt løyve. Det er ein føresetnad at minstevassføringa om sommaren vert auka. Torvik og Ervikselva er konkurrerande prosjekt. Ved val mellom desse må landskapsverdien til den nedste fossen ved fjorden bli tillagt stor vekt.
4. Hellevang kraftverk, Førde. Fordelane ved prosjektet er vurdert til å vere større enn ulempene for allmenne og private interesser og fylkeskommunen rår til at det vert gitt løyve. Det er ein føresetnad at røyrgate og tilkomstveg vert lagt slik at kulturminne og kulturmiljø ikkje vert skada eller øydelagde. Det bør vurderast å plassere kraftstasjonen lengre frå fylkesvegen.
5. Marka kraftverk, Førde. Fordelane ved dette prosjektet er vurdert til å vere større enn ulempene for allmenne og private interesser, og fylkeskommunen rår til at det vert gitt løyve. Fylkeskommunen ber om at terrengingrepa ved utbygginga vert så avgrensa som mogeleg.
6. Vassbrekka kraftverk, Førde. Fordelane ved prosjektet er vurdert til å vere større enn ulempene for allmenne og private interesser og fylkeskommunen rår til at det vert gitt løyve til utbygging. Av omsyn til landskap, brukarinteresser og kulturminne må vassføringa om sommaren aukast.
7. Anga kraftverk, Førde. Fordelane ved prosjektet er vurdert til å vere større enn ulempene for allmenne og private interesser og fylkeskommunen rår til at det vert gitt løyve til utbygging. Fylkeskommunen meiner likevel at utbyggingsstrekninga med fleire fossar og ei sentral plassering i høve til busetnad og turområde, må ha ei større minstevassføring om sommaren enn det som er omsøkt.
8. Stølselva kraftverk, Førde. Fordelane ved prosjektet er vurdert til å vere større enn ulempene for allmenne og private interesser og fylkeskommunen rår til at det vert gitt løyve.
9. Hundsåna kraftverk, Askvoll og Førde. Fordelane ved prosjektet er vurdert til å vere større enn ulempene for allmenne og private interesser og fylkeskommunen rår til at det vert gitt løyve. Det må takast omsyn til ein framtidig vegtunnel i området.
10. Bakkeelva kraftverk, Askvoll. Fordelane ved prosjektet er vurdert til å vere større enn ulempene for allmenne og private interesser og fylkeskommunen rår til at det vert gitt løyve. I konsesjonsvilkåra må det setjast krav om at kulturminna og kulturmiljøet ved Trollefossen skal sikrast og takast vare på,



utan inngrep i samband med utbygging. Dette omfattar også dam og andre installasjonar i tilknytning til elva. Fylkeskommunen ser dette som føresetnad for positiv tilråding om løyve.

11. Fossevika kraftverk, Askvoll. Dette er eit prosjekt med store fordelar. Kommunen har likevel frårådd prosjektet. Fylkesutvalet legg kommunen sitt skjønn til grunn og vil på det grunnlaget ikkje tilrå konsesjon.

12. Rørvika kraftverk, Askvoll. Fordelane ved prosjektet er vurdert til å vere større enn ulempene for allmenne og private interesser og fylkeskommunen rår til at det vert gitt løyve. Av omsyn til landskap og brukarinteresser må minstevassføringa om sommaren aukast. Det må leggast vekt på støydemping ved kraftstasjonen, av omsyn til busetnaden rundt og at støy ikkje får bre seg ut over fjorden.

13. Øvre Redal kraftverk, Naustdal. Fordelane ved prosjektet er vurdert til å vere større enn ulempene for allmenne og private interesser og fylkeskommunen rår til at det vert gitt løyve. Terrenget opp Stølsbakken aust for Stølselva er svært bratt og anleggsvegen må gå i slyng for å vinne høgde. Rørgata skal gå parallelt med elva. Dette betyr store anleggsinngrep. Her må det takast omsyn til den gamle stølsvegen med murar og bru-kar.

Med helsing

Svein Arne Skuggen Hoff  
fylkesdirektør

Idar Sagen  
seniorrådgjevar

*Brevet er elektronisk godkjent og er utan underskrift*

Vedlegg:

Saksutgreiing med fylkesrådmannen si tilråding vert ettersendt.

Mottakar (ar)

NVE Postboks 5091, Maj. 0301 Oslo. [nve@nve.no](mailto:nve@nve.no)